

華容縣志卷十二

方外志

寺觀

仙釋

寺觀

西禪寺唐建縣城西門後遷東門內

內有第一山三字額明太祖書

太皇觀

歐陽文忠公集古錄作玉真宮

岳陽風土記華容令宅東北

有老子祠曰太皇觀門左右有二神像道家所謂

青龍白虎捏塑精巧形質甚大可動搖遊觀者往

往驗之以為異其實胎素中虛如夾紵作也祥符

八年春二月既望雷震白虎西北楹上有倒書謝

華容志

卷十二

寺觀

仙火字入木踰分字畫道勁人莫之測慶曆六年

滕子京令摹而刻之問零陵何氏女俗謂之何仙

姑者乃曰謝仙火雷部火神也兄弟二人各長三

尺形質如玉好以鐵筆書字其字高下當以身等

驗之皆然東南二楹亦有謝仙二字偏近柱礎又

不知何也其後摹刻岳陽樓上元豐二年岳陽樓

火土木碑碣悉為煨燼惟此三字無少損今無存

五龍宮縣城南門內舊名雙梧書院

真慶觀南郭外宋紹聖中建

圓覺寺縣東十五里寺前有龍峰書屋黎文僖劉忠宣二公讀書處

三封寺縣東二十五里建自東漢曰聖國魏曰興國西晉賜今名

觀音寺縣東三十里唐建有古玉蘭樹羣芳譜華容觀音寺有玉蘭一株輪囷盤鬱高十餘丈望之如玉山明志不知其幾千歲山中亦莫能名之有五字石刻元邑宰李有書今石亡矣巖首昇集玉蘭大可十圍西晉以來名賢題詠具存樹條四面

華容志

卷十二

寺觀

二

歲一生花居人以花之多少占四方豐歉道光壬午四月九日爲大風所拔

邑人丁傳煜有弔玉蘭歌

寶慈觀縣東三十里岳陽風土記寶慈觀乃張真人煉丹飛昇之所弟子葬其衣冠俗謂之衣冠塚丹竈遺跡尙在明志石門山中宋有三十六堂今存其三相傳昔仙人孔昇保於此煉道飛昇晉張驚喜亦隱峰下有倒插柏唐呂巖與鄧真人遊所手植觀旁有巨石方數丈書谷神二字大徧石瓊山白玉蟾臥而書也有香泉如乳宋治平中仍古額

更敕賜之三門道士蔣程龜孫雪牕重修唐張說  
稱爲天下絕境有詩有煉丹池浴丹澗水簾洞梯  
朝斗關蟄莽丹光亭整衣壇碧雲亭琅玕堂仁智  
堂揖仙臺觀翠軒萬象閣月橋雲巢松關龍潭湛  
軒道士巖密一莽清富堂白蓮沼桃花塢蟾蛻亭  
環秀橋契仙橋藏珠潭宣詔石董老塢諸勝景今  
無存○白玉蟾寶慈觀記華容之東三十里有寶  
慈觀觀前有七女峯丹竈藥白尙無恙湖光山色  
奇觀也夫荆潭黔蜀滙乎洞庭一湖湖之濬一牛  
鳴地則有契仙靖廬神仙三十六廬其一靖也古  
今傳云仙廬峯卽此是已又有石門舊時仙人孔  
昇保煉道登正之蹟迨晉黃門侍郎孫張驚喜隱  
於峯下種薑栽躡鷗後亦仙去此寶慈所由興也  
觀以寶慈名蓋祖老君三寶之一而云唐張燕公  
曰石門有絕境寶慈是也實指此觀耳每每天將  
雨則峯頂一線之雲忽起少焉衍而林木悲嘯倏

華容志

卷十二 寺觀

三

然沛下及將雨止則雲氣復歸樵人見桃花成霞  
時已霜月歸告峯下之人再詣不復有矣又有懸  
崖得碧李滿枝纍纍他日蹤跡之咸失所在信是  
烟霞窟宅神人居之嘯風鞭霆吞雲吐霧斯福地  
也初入石門翠影連蜷萬松夾路藤蘿茂密花木  
芳鮮幽澗璆然清寒岡玉以立眾山伏躍鎖隔埃  
塵路轉山回乃見洞戶意必有龍蟠其淵潭夜虎  
嘶林曉鹿舞嶺獸皆異狀草不知名雖夏亦寒雖  
晝似晚雖晴常陰上有天風亭指顧洞庭如在懷  
袖一望萬里心目顯豁下臨千仞毛骨颼颼其外  
一橋扁以環秀使人如在范寬李成圖畫中餐餐  
飲絳日可忘饑非仙而何千楹萬楹宮殿欲飛廣  
廈清堂若古樓觀規制森嚴輪奐超驤若寥陽之  
有殿景陽之有閣清富之有堂契仙之有門此其  
大槩也若碧雲堂觀翠軒凌空亭揖仙臺則又其  
勝處也其前有曰朝斗丹光二亭其後有曰琅玕  
仁智二堂又皆其登眺遊覽之尤者一至焉塵襟  
如冰便欲乘雲氣御飛龍挾日月旁宇宙罕恩戾

茂客至卽授榻簷鐸風如遞響燈龕畫而長煥四  
遠入外來求福者舉袂成帷冠裳率二十餘食指  
不下百眾寢浴庖湏皆如人意生徒良可教有萊  
林風先是隋時治鐘以賜今猶存宋治平中卽仍  
古額更救賜之所謂二門卽嘉祐道士蔣程龜所  
建其龍虎二士迄今尚在中更丙午元二之既已  
墟爲礫鞠爲草矣紹興甲子黃冠師范博文恢復  
觀庭至今稱之於斯爲盛甲乙相代流水住持會  
孫有年以州符領觀事屬予記之畫枕方甍洞雲  
斜拂而過山雨倒飛以來雷電助筆悅善弗疑肯  
寶慶二年丙  
戊七月朔

延真觀縣東四十五里

大雲寺縣東四十里雲母泉在其下唐李補闕華有

詩

華容志

卷十二

寺觀

四

元石觀縣東四十里唐建鄧真人於此仙去有巨人

跡

奉真觀在墨山上呂巖嘗棲止焉

延壽寺縣西六里宋建

普賢寺縣西二十五里宋建

岳城寺縣西南東西垵又名雙忠祠祀 關忠義及

岳忠武

皇功寺縣南三十里禹山西元建

圓通寺縣治北本宋圓通閣明洪武中改名寺

白竺寺縣北三十里元建

仙鷲寺縣東北七十里宋建明程侍郎萬里寺記在

石龍山下山路盤紆數武一折寺隱山塢到門始

見相傳舊有龍藏修山中一日雷電轟烈破石騰

空而去今石山鱗甲隱然又每歲中秋仙鷲羣集

旋繞飛鳴數日而去後重建寺宇遂以名之名人

題詠頗多

彈峯寺縣東北八十里彈子山石景奇絕

鹿角寺縣東北八十里鹿角山劉忠宣公大夏有記

華容志

卷十二

寺觀

五

普蓮寺縣東北九十里宋建

華藏庵縣東三十里

國初君山僧本潔建

仙釋

晉

張驚喜字彥悅冀州人司空華之族石門山有孔昇  
保學道飛昇臺永康中驚喜隨父任當陽慕石門  
之勝南遊居寶慈觀學道尋仙去弟子墓其衣冠

六朝

知顛字德安邑陳氏子重瞳俊朗受法於思大禪師  
頓證三昧後住天台佛隴峰號天台知者嘗買海  
曲四百餘里為放生所撰法華元義止觀百餘卷

華容志

卷十二

仙釋

六

張京梁邵陵王綸崇奉道士張京於石門山置觀處  
之鑿石開徑其狀若門因名

後唐

陳墨子陳希烈謁選別其妻題詩於壁數載妻思之  
餽字跡成孕生子因名墨子後仙去  
又歲大旱東山寺僧誦經弗輟忽一老叟乞飲僧弗與叟吸視水數口去是夕大雨如注視之皆黑水也歲更大熟

宋

白玉蟾字如晦世為閩人祖任瓊州而生號海瓊子  
得翠虛陳泥丸之術博洽儒術究通禪理寶慶中

遊華容石門山寓寶慈觀與道士孫雪應遊著契  
仙集有寶慈觀記

率真字樸庵俗姓張戒行精潔與邑士大夫遊工隸  
草詩得貫休齊己意早年卓錫君山晚歸圓覺庵  
以壽卒

元

嚴元元文昌宮道士與邑王姓人學道於張三丰數  
歲無所獲辭歸三丰餞之大醉唾地明晨入揖三  
丰曰若真去飴吾唾道在是王有難色元元飴之

華容志

卷十二

仙釋

七

遂悟三丰之術能運掌心雷或對客亦呼雷行茶  
初遊京師祈雨有應賜號元元其書存石首民家  
明嘉靖中詔取數册去

國朝

張召洛號邇伊廩生從父宦粵失足洪江水急不及  
救後有佃入蜀於山寺遇一道士授一緘曰可攜  
至華交吾友張邇伊子迎祥佃歸祥開緘識爲父  
筆內署廣默真人書云年來枕傍黃雲卧寄語兒  
曹莫浪尋祥復偕佃至蜀惟見山風飄拂迷不知

向後廣默真人降鸞於澧陽刺史署云蓬萊海島  
是吾家數道寒泉繞屋斜偶然乘鶴停樓上鐵笛  
一聲踏落霞有行狀經陶雲汀制軍聶蓉峰太史  
題跋纂入通志 增

龔氏程國桐妻年十九守節葬公姑畢撫嗣子成立  
去家至武當山月芽洞修道道光十年弟龔學麟  
及嗣子往探已絕粒能知休咎有河南進士李除  
湖北江陵知縣進香金頂龔見之言其生平如素  
識李因問知始末採入湖北省志忠臣孝子節婦

立地便可成仙信然求仙者亦求之忠孝節義而  
已 增